

綦江縣志

卷十

二十一

纂江縣志卷之十一

署邑令花城宋 灝總修

邑舉人春堂羅 星編輯

藝文上

征文考獻，所以荟萃一邑之事，备故实而示将来。非止倾液漱芳，为才人纪歌啸而已。纂本无鸿裁钜制，加以兵燹之后，传写乖讹。（涉音讹，讹言也。）欲去之，则旧蹟无可稽；而概收之，则又不可为典要。窃效《通省志》例，尽缀于本事之下，以便翻阅。其略无依傍者，始别为一类。至八景之作，相见迭出，未免陈陈，只各存一章，以备事实。总之，登新选者，或重其文，或重其事，或只系重其大者。文豹一斑，吉光片羽。作诗文读可也，作传志读可也。志艺文。

宋

南平军学雁塔题名记

南平军教授李梦龄

此慈恩题名，故事也。自宣和御公集而刻之石，由是校序间，皆有雁塔。南平官泮鼎新，惟此缺典，梦龄承恩分教，暇日与诸生相视，作亭其上，攻二石居之，刻先达氏名，大为规置，以俟来者。孔子曰：「见贤思齐。」孟子曰：「奋乎百世之上，百世之下闻者莫不兴起。」颜渊曰：「舜何人也，予何人也，有为者亦若是。」其自今并贯斯文，充养实践，使斯石大书特书不一。书此，则今日之期望云。时嘉熙元年九月既望。

明：

送蕭建中令暴江序

大學士楊廷和 新都

甚矣！今之難為也！柔則取辱，剛則取禍。二者盡之矣。有二令焉：其一勁悍決烈，方于事，上令必行，禁必止。事事推見，毛髮以察，為明祖稅，先期濫刑，取辦欲以要譽當事。田野細人，鬻兒女子，亦不之卹。僚佐視之如雷電，鬼神不敢犯，思相與擠去之。其下不能堪，則亦相與語曰：「某邑有負令，何不使我幸生其地而至于斯也。」是虽无弛政而亦无仁声，过于剛者以之。其一优柔不断，与吏人語，如家人然，口刺刺不能決一事。部使者行县，俯伏迎候道左，不敢仰視。比至，则历數其所廢而叱辱之，不能出一語相应答。訟者立廷下，甲乙器嗽（嗽，是數切，喧嘩聲也）。

道并不可曉。或勸省田間父老，竟持鸡酒相慰勞，与飲笑忘返。奸毗挾其短而搖之，顧下必抑气，冀苟倖免一施，其吼百不可动，而愤事多矣。此则过于柔者之为也。过于刚，则事虽理而怨生焉。过于柔，则劬而无备，黜罚亦不可免。二者胥失之矣。非老成持重，閱历久而圖画审者，恐不能立。今年春，皇上詔吏部慎选守令。而西江萧侯得蜀之暴江。江。暴江之人喜曰：「吾邑旧令多以刚柔过不及，则去。今观萧侯，庶其能立乎？」盖侯生长多负之地，其乡人尝为余言，其少小时读书为文章，英英有奇气，谓功名可立致，既而连不得举于乡，久之乃一遇焉，而又屈于礼部，益自退避，磨其圭角，不欲以所长闻于人。或者意其若将无意于事，而其中英英

者固在也。至若蕭繹剛柔互濟，蓋閱歷多而  
图画审矣。所谓老成持重者，非斯人之徒与？  
綦江于重庆为属邑，其俗质柔，号称易治。  
夫以老成之才，而理易治之邑，施于有政，  
不疾不徐，韦弦之间，当必知所处矣。继自  
今宜有颂声作焉，不止于今日之喜而已也。  
户部主事刘君定昌，綦邑人也。侯之任以嫌  
不肯有所可否，白余左右，求为文赠之，遂  
不复辞，而告之以此。

明

扇賦

明文蔚

潘山

五明创于黃帝，元览制于武王。丽质出松筠  
之秀，瘦骨吐兰桂之芳。画楮点清音于蜀楚，  
轻罗展美翼于苏杭。破月斜天半含，映蔷薇

一团之皎洁，片云落涧底兮，带卿耳凡神之清凉。有柄兮，象国家之权柄，有枢兮，象吾道之主张。繁者，象天时之二十四气，简者，象人事之三纲五常。因人兮，为精粗美恶，与时兮，为用舍行藏。一叶莲蓬兮劈破，半钩明月兮潜光。佳人兮朝游陌阡，丈夫兮夜戏兰桨。或为濂溪月，迎风绕画堂；或为巫山云，行雨奔襄王。或为五穀（音古，黑色羊也。）羊，清勤独异常。或为楚宫细腰女，浅斟低唱于潇湘。扇兮吾爱尔，周摺而弗滓，因活而复方。遇岁寒而知欻，当酷暑而不伤。一扇兮，翻若白鸾之舞翼，一阖兮，浑如象简之飞霜。当斯时也，欧子不烦斥苍蝇于华宴，曾点不必借舞雩以徜徉。山泽而浑厚，廊庙而辉煌。渔父兮为蒲茅扇，风生野壑而沧浪。

学士兮为染墨扇，春透酥体与霓裳。忠如武侯兮，有白羽扇挥火德于重光；孝如黄香兮，有凉枕扇奉萱草于转房。廉如谢安兮，有蒲葵扇腾善价于三江；节如猷之兮，有桃叶扇抒歌咏其琳琅。工扇兮，而治夏畦之病；农扇兮，而引田畯之良；商贾扇兮，权子母而利仓箱。释扇兮，而万缘俱净；道扇兮，而丹鼎成黄。至若吾儒之扇兮，以清标雅韵，玉质金相，能舒能卷，可低可昂。为将而扇兮，奠安宇宙；为相而扇兮，燮理阴阳。行将扇皇风兮，以游三五；扇尘氛兮，以靖边疆。愿佐吾天子兮，扇和风于庶类；挥麈尾而返醇庞。时而为我用兮，扇眼前之光景；或高卧于北窗兮，扇枕上之羲皇。

贈衣契

嘉庆丙寅年

大学士赵贞吉

内江

僧慧宗，号别传者，綦江人，年七十也。住  
峩山几四十年。修铜瓦殿，铸大钟三口，造  
铜佛像数十，他佛不胜数。其费甚鉅，所以  
勤劳並严，峩山之意至矣。顷下山谒余，余  
问：「此回当作何事？」曰：「欲种千百万亿松柏，  
以覆荫此山耳。」余曰：「噫嘻！此谓之德林也。  
坎」因解余拥寒裁绒氈氈（音：音榜。德，音多。氈，音：音番）  
织绒也。衣与之曰：「以御子种树。风露苦寒，其毋  
辞。」乃顾谓弟子左右辈曰：「谚云：『十年之计，  
莫如种树。百年之计，莫如树人。』种树在力，  
种人在智。种树为当时力之广也，种人为天  
下后世智之广也。」嗟乎！充老僧之心，在士  
大夫中，则文太守、郭有道、王文仲、范希  
文、程伯淳，其人必能种一时之人才矣。在

有国宰衡，则菁莪棫朴，吐握悵悌之化，必能种一代之人才矣。又大之，则洙泗指迷，继往开来，种千万载之人才矣。嗟乎！老僧今一起予哉！乃老僧默然，漫不知为何指。予语之曰：「破头山中栽松，道者弃手中插，即得别传之旨。汝其后身耶？」老僧始一笑书之，为赠衣契。

### 荐死难兵民疏

邑令周作乐

伏以天道远而人道迹，机捷感孚，神罔怨而鬼罔恫。（音通，痛也。）礼崇禋祀，无文不载，有赫斯灵。言念綦澁，遭罹播恶，无辜横死刃兵。寒烟空二将之魂，断数江流万人之血。刺婴儿于槩，胁幼女以兵。折妇离夫，含生悲于异域；剖棺伐塚，抱幽愤于穹泉。覆宗绝嗣之

家，蒸嘗无主；仿生殒命之众，掩瘞凭谁。  
白骨交横，空城寂寞。致令无依之鬼，凡为  
厉于故墟；惟冀新集之民，时相惊以怪事。  
但遇黄昏之际，仿佛若覩支离；每于阴雨之  
中，远近微闻哭泣。匪凭荐拔，何以生方，  
愿仗慈光，指登彼岸。伏愿三身上圣，为朝  
廷严夷夏之防；万德高真，怜黎庶遭塗炭之  
苦。阴助緹縈，亟诛豺虎。相大将逞诸葛之  
能，俾小醜服孟获之罪。传首域中，舒神人  
之愤，碎尸刃下，伸贵贱之冤。夷落倒戈，  
受反尔之报；王师奏凯，张无敌之威。杜四  
夷窥伺之心，坚万国庭享之志。

送周公守遵义序

杨 炜

邑庠生

三十四年夏，攝綦事郡丞周公兩最考，拜守  
遵義。蓋圣上念新疆渺在万里，未由扼華封  
深不變，且支郡夷民蠻戶，邻吐番，莽蕞潛  
睨，騎兵待餉，值二千石數。近數代有如傳  
舍，虽灼焉著在功閼者，弗久于任，兵民安  
所交賴哉！先是治下，主爵者推李公任遵郡  
使者。上言公以藩北，簡擢泣綦，从事戎間，  
發謀戡亂，显有大勲。迄今播人戴德亦如綦  
人，嘖庸声望，輯固疆圉，固无出公右。天  
启皇衷，疏上报可，竟回成命，而以李公領  
鄧于滇云。公仍領播。邑士若氓，惊睹除书，  
不忍釋公去。抗然若夸乳之嬰，謀如以褒德  
借寇事。願无如明諸何。乃計所以尸祝者，  
移之聲歌。倣詩人美素絲，咏甘棠，祝麟趾。

以紀盛事。下里巴人遂不敢以續貂爲醜。在昔孟堅子長傳，循吏莫不有治行可紀，鋪張而揚厲之。若公者，真不懈而及于古。雖累歲不可縷悉焉。故有頌公之心。如青天白日者，有頌公之清。如玉鑑冰壺者，有頌公之政。如甘雨和風，不尸不宰者，更有頌公之恩。如沧海汪漫，日用而不知者。至其博大淵懿功能，不有不以搏击格速响，不以遽色震凋殘，蒲鞭示懲，卧閣寤訟。湏清濟蘇貧諸政，勢不容已于喙要，陶耗一蔬一醕，（音高）躋<sup>躋</sup>也之費，一意養元固本，直登赤子于春台仁域中，受賜其曷極也！茲之往也，于制爲公，于藩爲幸，而于綦爲缺，（音决，不滿也）望。致攀轅者，壺漿者，望朱旛而詠吟者，肩摩載路，與不得前者累日焉。嘗語諸父老曰：公

負康世才，且簡在上也。并府建方，非可謁促。而頓于暴者，甘棠之鄉，惠顧不淺。矧今犹在兼覆中，烏用不忍去而望所以留也。金謂鄙言有当，于是欢呼动摇，再拜送公之播。

周公平播庸功序

邑進士 楊為棟

竊聞之邱文莊公曰：「得一良令如得胜兵三千人。得一良守如得胜兵三万人。」盖谓保障难耳！简子使治晋阳，亦曰保障，不止歌袴悬魚留犢已也。夫守令兼保障之难，则孰如暴江。暴江距夜郎不两邮。永乐初，始分属厘庆。顾者醜逆鸱张，肉我赤子。叔緒芟夷，蘊崇几无噍类（噍，刺秋切，噍也）。非有众人，母怀抱而乳哺之，必无以善其后。乃御史大夫隸

衣使者疏入。周公治古万州最。蜀第一。屬  
晉守為渝州貳。得便以愚暴。且謂少府圖態  
不當以鳬鵠在也。第外障夷而內保黎庶。非  
公不可。公星車導入。傲（處補切。整也。裝汗下。）  
目击艷晚。（艷音稟。晚音兀。危也。艷晚。不安貌。之繁難之狀。）  
重以岩箐斥鹵。戎馬荆棘之區。元元元所堪  
命。一時若甲者、羽者、餉者、牒者、檄者、  
疮痍流離而无告者。皆待給于公之一身。公  
以一身緯錯其間。治絲不棼。（音汾。亂貌。）隨方  
泛应。挽弓飞粟。大难以夷。遂首勒阡架諸  
疏。請上方行補助。蠲三年田租。蠲藁。制曰  
可。已乃清贖至亿万石。俾遺黎获有沾潤。  
是所安輯愛養而頓起其創病呻吟之苦者。胸  
臆间煦煦不少置也。越明年。岁大旱。傲春  
秋繁露呼雩。衣皂作祈祷。瞬而澍雨盈缶。

不但隨車之滴嘻神已。又邑俗稱多訟。公俯  
必淳誠。斷不鈎致而律意已得。不必如鬼薪  
〔鬼薪，秦漢時之刑也。〕，旦春，胥靡諸罰，因之塵市  
田野，有忿不爭，即爭不訟矣。且暴當黜播  
孔道，羽馳轂击，旦昏相屬，公所為供張除  
道，往往至如歸去如流。當塗者莫不稱公措  
注之善。乃暇日，則又以亲所制艺進諸生而  
課業。大都直扶〔音決，摘取也。〕名理中竅，會據〔音  
隻，拾取也。〕芳潤而发詞条。兵燹之余，睹斯盛事。  
他如飭膠庠，崇节孝，弭盜賊，酌徭力，禁  
奸宄〔音軌，盜寇。〕，〔内为奸，起外为兇。〕，瘞胔骼〔音音漬，掩骼埋胔。〕，  
通津梁，諸凡展厝〔音錯。〕，莫不井井。故合邑  
縉紳晏而冠冕，士安而縫掖，男安而农贾，  
女安而纺织，相生相聚而安于何有之天者，  
皆公之賜也。公之大有造于暴如此。今年春

紀彙成，公列功最上，天子下玺书嘉勞，錫采巾、黄金，下河嶺勅太史，撰統緒登紫泥之封，并有麒麟、帶裳、象櫛〔音帝，舊之物也〕、檐〔音唐，衣前曰檐〕、褕〔音褕，非正朝也〕之飾，为北堂瑤珤增宠光焉。维时邑中长老相携欢呼加额，因云老人屈指儿时，邑父母衣被我者，无如公负。则又屈指今海内故旧，世家贵人，达官宦来蜀游，又无如我公阿母寿且贵者。公其忠孝完人哉！盖公之德，沁人心髓，公之功，勒诸彝鼎，公之修洁，又金波玉衡，悬光寒霄之上。少顷陟台垣，官枢秉轴，为庙廊柱石，扇寰海清风，正色立朝，不动声色。繫所云子翼少卿次公诸君子，安可喋喋今古后先哉？余深知公之不自有其功也，乃因邑人之请，畧书其概，而介之以贺。